



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Malvm Svmmi Mali Sive De infinita grauitate peccati  
mortalis Libri Qvinq[ve]**

**Pelecycus, Johannes**

**Monachii, 1615**

XX. Quomodo declinanda vitandaque sint peccata?

[urn:nbn:de:hbz:466:1-52025](https://nbn-resolving.org/urn:nbn:de:hbz:466:1-52025)

## CAPVT XX.

*Quomodo declinare vitareque possimus peccata.*

**S**I primùm cogitationem noxiam, ceu caput serpentis, pessimumq; inferni semen obseruatione accurata caueamus, nihilque aliud cum Chryso-stomo quàm peccatum vereamus, nulla re cū Ambrosio, nisi transgressione legis cōcutiamur, cum Anselmo in infernū potius demergi, quàm in peccatum mortale consentire velimus. Si deinde occasiones peccandi omnes omnino, quo ad eius fieri potest, defugiamus; *Cor enim, vt Eccl. 3. 28.* Sapiens ait, *ingrediens duas vias, non habebit successus, & prauus corde in illis scandalizabitur.* Duas ille vias ingreditur, qui iustitiam sectatur, & in statu gratiæ negligit peccati occasiones, quæ ad illud

illud via sunt. Dagon & arca  
 Dei in eodem altari mentis non  
 subsistunt. Prohibitum olim à  
 Deo fuit, ne quis duplici semine  
 seminaret, vestem lana & lino  
 contexeret, & boue simul ac a-  
 sino terram aratro profcinderet.  
 Præceptum item fuit, vt  
 pellis, & omnes carnes cum ca-  
 pite & pedibus, & intestinis, &  
 fimo reliquoque corpore extra  
 castra efferretur. Quo indicatur  
 eum qui Deo mentem suam im-  
 molauit, debere omnia sua ex  
 castris, in quibus occasio pec-  
 candi fuit, efferre, nisi illis con-  
 figi vulnerariq; velit. Sunt par-  
 uæ quidem & debiles occasio-  
 nes peccandi, sed vnum & idem  
 est Dæmoni per fenestras ingre-  
 di, aut muros transcendere, quod  
 per angustum foramen serpere.  
 Quid prodest arci animæ mu-  
 nis cingi, alris propugnaculis  
 muni-

*Leuit. 19.*

10.

*Leuit. 4. 11*

muniri, & portis clausis defendi, si ianua parua aperta sit, per quam hosti pateat aditus. Si tertio vel minima peccata vitentur, hæc enim magnis viam aperire solent. *Nutrita anima venialibus, Lib. 10.*  
 ait D. Gregorius, *mortalia non abhorret. Mor. c. 14.* Minimus fuit lapis è monte sine manibus abscissus, columnam tamen magam eamque fortissimam prostauit & comminuit. Exiguus clauus impactus inutile reddit tormentum bellicum. Animalcula vniuersam afflixerunt Ægyptum. *Vulpes paruula vineam demoluntur. Paruuli allidendi sunt ad petram: qui minuta spernit, paulatim decidet. Pessulum, ait Spon. Cant. 7.*  
*sa, Ostij mei aperui, & sponsus à Tract. 12.*  
*me declinauit. Minima, iuxta D. in Ioan.*  
 Augustinum, *si negliguntur, occidunt.* Si quarto diligenter  
 vigi-

vigilantes, super custodiam no-  
 stri stemus, hostiumque insulti-  
 bus, occurramus; *in pigritijs enim*  
*humiliabitur cōtignatio, & in infirmi-*  
*tate stillabit domus.* Otium fecun-  
 da est multorum malorū seges,  
 vitiorumq; magister. Si quinto  
 carnē, ceu equum indomitum,  
 habenis arctissimis, ne calcitret,  
 cohibeamus, nuditatem illius  
 aspero cilicio contegamus, fac-  
 co operiamus, disciplinis dome-  
 mus, lectum eius lachrymis la-  
 uemus, stratumq; illis rigemus.  
 Si sexto passiones, quæ in mini-  
 steriū rationis assignatæ sunt, iu-  
 giter tamen eā, & nos infestant,  
 & ad peccatum stimulant, repri-  
 mamus, & sub iugū mittamus:  
 imo vnā cum earum rege Agag,  
 hoc est, appetitu sensitiuo, mi-  
 nutatim dissecto, occidamus, si  
 tandem meditationi grauitatis  
 peccati mortalis incumbamus;

dici

dici  
 illa  
 per  
 pen  
 pius  
 thife  
 vuln  
 catu  
 tum  
 num  
 cult  
 dijs  
 cato

Stu

SA  
 d  
 his  
 fac b  
 & d  
 macu  
 prau

dici enim vix potest, quantum illa faciat adexpulsionem eius; per serpentis aspectum olim serpentum ictus sanabantur; scorpius secum defert remedium læthiferi veneni, Achillis hasta vulneribus medebatur, sic peccatum peccato medetur, peccatum damnat peccatum, virus vnum aliud pellit. Si quid difficultatis & laboris his inest remedijs, id omne machinatori peccato mortali adscribi debet.

## CAPVT XXI.

*Studendum bonis operibus ut peccatum vitetur.*

**S**alutis nostræ neruum statuit diuina scriptura in duobus his capitibus: *Declina à malo, & ps. 36. 27. fac bonum; quiesce peruersè agere, Es. 1. 16. & discite benè facere, ingredere sine Es. 14. 2. macula, & operare iustitiam; proyece Ezech. 18. prauaricationes, & fac cor nouum; 31.*

**Y** abijce